

**D. JOSE MARIA BAÑOS CAMPO, SECRETARIO DO EXCMO.  
CONCELLO DE MONFORTE DE LEMOS**

**CERTIFICO:**

Que a Xunta de Goberno Local, na súa sesión celebrada o día 27 de febreiro do 2017, adoptou entre outros o seguinte acordo:

**“5. CONTRATACIÓN E SERVIZOS.**

**A)CONTRATACIÓN.**

**A2. CONTRATACIÓN DO SERVIZO DE ANIMACIÓN NA XV FEIRA  
MEDIEVAL DO CONCELLO DE MONFORTE DE LEMOS (EXP.007-  
SERVPA17).**

Visto o informe do Técnico de Cultura de 6.2.2017 e a Providencia da Concelleira Delegada competente da mesma data, faise constar que.-

1º.- De conformidade co establecido no artigo 138 do RD. 3/2011, de 14 de novembro, polo que se aproba o texto refundido da lei de contratos do sector público (TRLCSP), a denominación de contratos menores, o é en consideración ao seu importe, que ten que ser inferior a 50.000 euros (IVE aparte), cando se trate de contratos de obras, ou a 18.000 euros, cando se trate doutros contratos.

2º.- O artigo 10 TRLCSP, precisa que *“son contratos de servizos aqueles cuyo objeto son prestacións de facer consistentes en el desarrollo de una actividad o dirigidas a la obtención de un resultado distinto a una obra o un suministro, categorías enumeradas en el Anexo II.”*

3º.- Nos contratos menores, artigo 111 TRLCSP, establécese que só se esixirá a aprobación do gasto e a factura correspondente expedida conforme á normativa vixente. Porén, o Concello de Monforte de Lemos na base 33ª das de execución do orzamento do Concello, referida aos gastos menores, dispón que *“Cando a contía sexa superior a 1.000 euros e inferior a 18.000 euros, o expediente conterá unha proposta de adquisición razoada, detallada e valorada, debendo acreditarse a consulta a tres empresas, polo menos, salvo que resultase imposible ou inconveniente por razóns que deberán acreditarse no expediente”*. Neste senso, constan no expediente os seguintes orzamentos.-

ESPECTÁCULOS A.M.B PRODUCCIONES, S.L.	10.950,00.-€ (IVE aparte).
TROULA ANIMACIÓN, S.L.	9.560,00.-€ (IVE aparte).
RIVENDEL MERCADOS TEMÁTICOS.	12.000,00.-€ (IVE aparte).

4º.- Por máis abastamento, a citada base 33ª.2 precisa que.- *“as propostas de contratos menores deberán remitirse para a súa tramitación ao Servizo de Contratación, para os efectos de comprobar que a persoa física ou xurídica proposta para a execución do contrato estea ao corrente das súas obrigacións tributarias e da Seguridade Social, non estea incurso nas prohibicións de contratar e que en consecuencia reúne as condicións*

*para ser contratista coa Administración Pública, do que o responsable da oficina de contratación deberá deixar constancia escrita no expediente”.*

A tal efecto, consta no expediente unha declaración responsable acreditativa das condicións de aptitude e capacidade do contratista cuxo orzamento é o economicamente máis vataxoso dos achegados, a cal terá os efectos previstos no artigo 61 bis do TRLCSP.

Sobre os efectos da declaración responsable, a Intervención xeral da Comunidade de Madrid no seu informe de 19.7.2007 emitido sobre un procedemento en materia de subvencións, indica que.- *“La declaración responsable, por lo tanto, dado que así lo establece su normativa reguladora y dado que se trata de un supuesto en el que está permitido por la norma sustantiva, es en sí misma, una forma de acreditación de las circunstancias que en ella se recogen, cuya validez para el procedimiento no debe ser objeto de duda, a no ser que existan elementos de juicio derivados de la documentación que obre en poder de la Administración concedente o que sea conocida por ésta, que permitan al órgano al que corresponde su valoración estimar que en la empresa afectada no concurren las circunstancias declaradas”.*

5º.- Estes contratos non poderán ter unha duración superior a un ano, nin ser obxecto de prórroga nin de revisión de prezos (art. 23 ex. art. 89 TRLCSP).

Asemade, e en virtude do disposto no artigo 19.1.a) do TRLCSP, atopámonos ante un contrato privado por encontrarse o seu obxecto comprendido na categoría 26 do Anexo II do citado texto legal.

6º.- A competencia para contratar, de conformidade co previsto no apartado primeiro da DAd. 2ª do TRLCSP, atribúese ao Alcalde, sempre que o importe do contrato non supere o 10 por 100 dos recursos ordinarios do orzamento. Se sé supera a referida porcentaxe a competencia corresponderá ao Pleno. No entanto e de conformidade co Decreto de Alcaldía de 18.06.2015 (BOP nº 160 de 14 de xullo de 2015), dita competencia atópase delegada na Xunta de Goberno Local do Concello de Monforte de Lemos.

Por canto antecede, a Xunta de Goberno Local, adopta por unanimidade o seguinte

### ACORDO

**PRIMEIRO: APROBAR** o gasto correspondente, con cargo á aplicación orzamentaria 334.226.09 do vixente orzamento xeral municipal.

**SEGUNDO: ADXUDICAR**, por “contrato menor”, á entidade Troula Animación con CIF. B-36940690 e/r D. Diego Roca Fernández con DNI. 53.170.221-V, o servizo de Animación da XV Feira Medieval do Concello de Monforte de Lemos, polo importe de 10.672,00.-€, aos que habería que engadir 2.241,12.-€ en concepto de IVE (21%) o que fai un total ascendente de 12.913,12.-€, segundo orzamento que achega (NRE.2531/2017) e que aparece incorporado ó expediente.

As actividades obxecto do contrato desenvolveranse do seguinte xeito.-

#### **1.- Animación na Feira Medieval**

Días: 15 e 16 de abril de 2017.

Lugar: Praza de España do Concello de Monforte de Lemos.

Horarios: De mañá e de tarde, dando ambiente a Feira.

**2.- Espectáculo de Lume.**

Día: 15 de abril de 2017.

Lugar: Praza de España do Concello de Monforte de Lemos.

Hora: 21.30 h.

**TERCEIRO.- ADVERTIR,** segundo consta no expediente que a celebración do espectáculo que leve aparelado o emprego de lume quedará condicionado, tanto ao acoutamento dun perímetro de 10mx10m na súa contorna como que se garanta a presenza de dotacións antiincendios ao longo do seu desenvolvemento. De non cumprimentarse as citadas esixencias a actuación non se levará a cabo. “

E para que así conste e coa salvedade prevista no artigo 206 do ROF, expido e asino a presente de orde e co visto e praxe do Sr. Alcalde, en Monforte de Lemos, a vinte e sete de febreiro de dous mil dezasete.

Vº e Pce.

O ALCALDE

